

Na Fothoghcháin don Seanad
27 Aibreán 2018

*Tuarascáil ón gCoimisiún um Chaighdeáin in Oifigí Poiblí
chuig an gCeann Comhairle de bhun an Achta Toghcháin, 1997, arna
leasú.*



Coimisiún um Chaighdeáin in Oifigí Poiblí
Standards in Public Office Commission

Iúil 2018

An Coimisiún um Chaighdeáin in Oifigí Poiblí, 18 Sráid Líosain Íochtarach, Baile Átha
Cliath 2, D02 HE97

T.: (01) 6395666 | sipo@sipo.ie | www.sipo.ie | Twitter: @SIPOCIreland

Clár Ábhar

Brollach	2
Caibidil 1: Réamhrá	3
Caibidil 2: Nochtadh Síntiús ag iarrthóirí nár éirigh leo	4
2.1 Ráitis Síntiús agus Deimhnithe Síntiús Airgid a fuarthas ó iarrthóirí nár éirigh leo	4
2.2 Síntiúis a nochtadh.....	4
Caibidil 3: Ráitis Síntiús a chuirtear ar fáil don Choimisiún um Chaighdeán a fhoilsiú	5


Brollach

Tá áthas orm an tuarascáil seo a chur faoi bhráid Chathaoirleach Dháil Éireann (Ceann Comhairle) de réir fhorálacha alt 4(1) den Acht Toghcháin, 1997, arna leasú (an tAcht). Maidir leis na ráitis síntiús dá dtagraítear sa tuarascáil, tugadh don Choimisiún um Chaighdeáin in Oifigí Poiblí iad de bhun alt 24(2)(b) den Acht. Maidir leis na deimhnithe síntiús airgid/dearbhuíthe reachtúla agus na ráitis ó institiúidí airgeadais, tugadh iad de bhun alt 23B(4) den Acht.

Faisnéis mhionsonraithe faoi cheanglais na reachtaíochta maidir le:

- síntiús pholaitíochta a nochtadh,
- teorainneacha ar luach na síntiús a bhféadfar glacadh leo,
- síntiús thoirmiscithe, agus
- ceanglais imréiteach cánach,

tá sí ar fáil sna Treoirínte do na Fothoghcháin don Seanad 2018. Is féidir iad a rochtain ag www.sipo.ie.



An Breitheamh Onórach Daniel O'Keeffe
Cathaoirleach
Iúil 2018

Caibidil 1: Réamhrá

D'fhógair an tUas. Eoghan Murphy TD, an tAire Tithíochta, Pleanála agus Rialtais Áitiúil, an 13 Márta 2018 gur thug sé ordú á rá go reáchtálfaí fothoghcháin chun na folúntais a cruthaíodh tar éis don Seanadóir Denis Landy agus don Seanadóir Trevor Ó Clochartaigh éirí as a líonadh. Toghadh an Seanadóir Landy ón bhFo-Rolla Oireachtais do Chomhlachtaí Ainmniúcháin den Rolla Talmhaíochta i mí Aibreáin 2016 agus toghadh an Seanadóir Trevor Ó Clochartaigh ón bhFo-Rolla Oireachtais den Rolla Talmhaíochta i mí Aibreáin 2016 freisin. Bhí comhaltaí ar seirbhís de Dháil Éireann agus de Sheanad Éireann i dteideal vóta a chaitheamh sna fothoghcháin. Dúnadh an vótaíocht ag 11am Dé hAoine an 27 Aibreán 2018.

Na forálacha den Acht a bhaineann le nochtadh síntiús agus le teorainneacha le síntiúis, bhí feidhm acu maidir le gach iarrthóir sna fothoghcháin don Seanad. Níl aon teorainneacha le caiteachas ag toghcháin don Seanad. Dá réir sin, ní phléitear sa tuarascáil seo ach le nochtadh síntiús ag iarrthóirí nár éirigh leo na toghcháin.

Ceanglaíodh ar iarrthóirí nár éirigh leo sna fothoghcháin don Seanad Ráiteas Síntiús agus doiciméid ghaolmhara a thabhairt don Choimisiún um Chaighdeán faoi cheann 56 lá tar éis dhúnadh na vótaíochta. Ceanglaíodh ar iarrthóirí nár éirigh leo síntiúis ar mhó a luach ná €600 a nochtadh. Ba é an 22 Meitheamh 2018 an dáta nár mhór Ráitis Síntiús a thabhairt don Choimisiún faoi.

Na hiarrthóirí ar éirigh leo sna toghcháin, mar atá an Seanadóir Anthony Lawlor agus an Seanadóir Ian Marshall, ceanglaítear orthu, mar chomhaltaí de Sheanad Éireann, Ráiteas Síntiús bliantúil agus doiciméid ghaolmhara a thabhairt don Choimisiún um Chaighdeán faoin 31 Eanáir gach bliain. Maidir leis an Ráiteas Síntiús a thabharfaidh na hiarrthóirí ar éirigh leo don Choimisiún um Chaighdeán i dtaca leis an mbliain 2018, ní mór sonraí a thabhairt iontu faoi aon síntiúis a fuarthas sa bhliain 2018. Ní mór an Ráiteas sin a thabhairt don Choimisiún um Chaighdeán faoin 31 Eanáir 2019.

Caibidil 2: Nochtadh Síntiús ag iarrthóirí nár éirigh leo

2.1 Ráitis Síntiús agus Deimhnithe Síntiús Airgid a fuarthas ó iarrthóirí nár éirigh leo

An 11 Aibreán 2018, d'eisigh an Coimisiún um Chaighdeáin treoirlínte chuig iarrthóirí sna Fothoghcháin don Seanad maidir le glacadh le síntiús agus iad a nochtadh. Tá liosta ar fáil thíos de na hiarrthóirí go léir sna Fothoghcháin don Seanad.

Eisíodh ráiteas síntiús/foirm dearbhaithe reachtúil agus deimhniú síntiús airgid/foirm dearbhaithe reachtúil an 2 Bealtaine 2018 chuig 7 iarrthóirí nár éirigh leo.

Ceanglaíodh go dtabharfaí ráitis síntiús comhlánaithe agus deimhnithe síntiús airgid comhlánaithe don Choimisiún um Chaighdeáin faoin 22 Meitheamh 2018.

Na hiarrthóirí sna Fothoghcháin don Seanad
Niall Blaney
Niall Kelleher
Anthony Lawlor (Tofa)
Ian Marshall (Tofa)
Martin Miley
Mary Newman
Bobby O'Connell
Frank O'Flynn
Mary Redmond

2.2 Síntiús a nochtadh

Rinne an Coimisiún um Chaighdeáin breithniú ar na ráitis síntiús a fuair sé ó gach iarrthóir nár éirigh leo sna Fothoghcháin don Seanad. Níor nocht na hiarrthóirí sna Fothoghcháin don Seanad aon síntiús.

Caibidil 3: Ráitis Síntiús a chuirtear ar fáil don Choimisiún um Chaighdeán a fhoilsiú

Rinneadh cóipeanna de gach ráiteas síntiús a fuair an Coimisiún um Chaighdeán ó iarrthóirí nár éirigh leo sna Fothoghcháin don Seanad a leagan faoi bhráid an dá Theach den Oireachtas go leictreonach inniu.

Tá na ráitis síntiús a fuair an Coimisiún um Chaighdeán á gcur ar fáil inniu lena n-íniúchadh agus lena gcóipeáil ag an bpobal in oifigí an Choimisiúin um Chaighdeán.

Cé go gcoinníonn an Coimisiún um Chaighdeán deimhnithe síntiús airgid/dearbhuíthe reachtúla agus ráitis ó institiúidí airgeadais, ní chuirtear ar taispeáint go poiblí iad ná ní nochtar ar bhealach eile iad, mura n-éilítear amhlaidh le hordú cúirte nó le fiosrúchán ag an gCoimisiún um Chaighdeán.